

豫章叢書

第五冊

卷一

卷二

卷三

卷四

卷五

廬山紀事

庚申五月刊

於南昌退廬

欽定四庫全書總目卷七十六

史部地理類

廬山紀事十二卷

浙江汪汝璩家藏本

明桑喬撰國朝范昶補訂喬字子木江都人嘉靖壬辰進士官至監察御史以首劾嚴嵩爲所構陷謫戍九江以卒事蹟具明史本傳此書卽其在戍所時作成於嘉靖辛酉至國朝順治戊戌巡按御史許世昌屬南康推官會稽范昶重爲補訂以山陰山陽別其條貫屬南康者列於陽屬九江者列於陰又取喬後百餘年閒事蹟題詠綴補於後昶序稱喬書質而辨文而約

紀事皆題原採書名祇所補悉仿其例云

喬在九江屏居廬北林隱菴省愆之暇漫輯錄廬山古今事既久遂成篇帙目之曰廬山紀事藏諸篋笥聊以自娛非敢傳之作者也他日淮海孫公見之曰夫廬山亞於五嶽而圖記弗備好古者有遺憾矣是作雖蕪穢然姑以備覽考抑亦俟博雅君子之訂正焉山誌其有興乎莫爲之前孰圖其全踵其事而增華變其體而加麗庸有在矣因與四橋陶公筆山盧公捐俸梓之射陂朱侯董而成之既竣喬執卷而歎曰嗟夫紀事有三愆而鄙倍不與焉其一古之名賢如周景式廬山記張僧鑒潯陽記諸篇今不及見獨

見其數語於類書中而宋陳舜俞廬山記馬升增廬山記戴師愈廬山文物列傳並稱名作亦購之不得顧獨以已意撰述去取無章程潛德休光多所闕遺闕而不宣無以式遠其二古今名賢篇什不爲少矣喬旅泊旣乏典籍以稽往躋卽今時搢紳先生諸名製山僧羽流不能珍藏散逸者十九雖屢搜羅亦無從得其蹟也逸世之珍泯焉無聞進不能煥人文昭盛世之多才退不能爲茲山增重其三九江者喬之并州也事宜內山北業旣已成編矣雙江方公見之曰是爲九江南康言非廬山言也夫苟爲廬山言

則宜先山之面者也捨其面而背是先議者將謂斯
何且使子志二郡內九江可也子以子觀廬山不若
以天下觀廬山亟易諸喬無以奪其議也故紀事先
山南嗟夫巴人下里之言不入於師曠之耳喬小子
何以掩其瑕亦聊以藉手就正於有道得謏聞焉儻
可免於龔隤乎廣陵桑喬子木甫序

嘉靖辛酉四月二十又四日

廬山衡嶽之副山也自匡廬結廬隱居世稱廬山亦
曰匡山層巒疊嶂萬壑千崖迤邐縣延邇遭數百餘
里晉遠公南遊雅愛茲山深秀駐錫其間與同時十
八高賢結蓮社脩淨土業而廬山之名益著太白詩
云吾於此地巢雲松蓋契之深也厥後江州司馬結
草堂於上比移官後猶惓懷不已形爲詩篇三致意
焉故歷代高人韻士凡遊屐所止率流連題詠散見
諸名家集中然往往略而不詳渙而不聚卽有磨崖
鉅筆亦以風雨剝蝕之餘或僅傳其名而莫可認識
其他名與俱湮者又將不可勝數矣未有能博綜山

廬山紀事序

靈之勝概網羅數千百年之傳聞發香爐五老之奇
闡谷簾三疊之秀以及岡陵洞壑琳宇梵宮竊竊迷
離蟬聯縹緲之千態萬狀奮其如椽之筆旁摭遠引
彙爲成書是亦廬山之憾事也明世宗時有桑子木
者撰廬山紀事一編凡十有二卷筆墨簡括興致蕭
疎不事鋪張烘染而廬山面目較若列眉余素有山
水癖往者貳守康州凡十三載几案間無刻不與廬
山晤對公餘之下時附葛捫蘿升高眺遠履齒所歷
殆徧然每至一處輒取子木書而印證之曾無毫髮
爽益嘆昔賢之筆墨何工而升降登頓之餘真爲不

負山靈者也時星邑毛君雅同鄙趣取子木書而加之刪訂或別爲攬撫以附益之一併梓行顏曰廬山志而余於乙未秋移守齊安郡矣郡去廬峰僅五百里引領東望猶時晤故人於烟波杳靄之中然深懼歲月漸久子木之全書不復流布人間使夫搜奇攬古者撫景而憑弔之則又不僅爲廬山之憾事已也昔司馬遷旣作史記班固復修漢書孟堅何嘗不取子長之文而訂正之然百世下未聞以漢書而廢史記則是書之重梓謂與廬山志並行不悖可也卽謂與廬山志分道揚鑣亦何不可哉蘇子曰不識廬山

眞面目只緣身在此山中若余今日雖去廬山而重刻廬山之書實非去廬山而始識廬山面目者也蓋身在此山十三年矣坡公之言甯爲篤論獨是余才不逮古人而拳拳於此亦竊比香山惓懷草堂之意云爾予本名喬廣陵人謫居九江最久名位不甚顯以文章稱於時康熙庚子長夏暨陽蔣國祥譔

廬山紀事目錄

第一卷

通志

山紀

品彙

隱逸

僊釋

雜志

災祥

怪異

藝文

第二卷

通志

總論登山道路

錦澗橋錦澗菴

天池山天池寺

鐵船峰蓮花菴白雲峰白雲菴

御碑亭白鹿昇僊臺青龍菴慈雲菴

佛手巖佛手菴錦繡谷推車嶺三塔菴

大林峰臥龍菴銀臺菴上大林寺

擲筆峰法堂菴彌陀菴白雲菴赤腳塔將軍山

神龍宮 九奇峰 上霄峰 仰天坪

牯牛嶺吳王砦月山 含鄱嶺新菴香山

小漢陽峰大漢陽峰

第三卷

山南自隘口東北行至張公嶺

黃龍山通書院

溫泉經臺山

泉里虎爪崖濯纓池醉石

般若峰耶舍塔三將軍洞靈溪觀

觀音巖金輪峰石鏡峰堯率峰

歸宗寺

余峰屏風山屏風寺

西古山師林嶺象山 紫霄峰

封家山鷄籠山白雲峰直梭峰起雲峰金雞峰

簡寂觀

第四卷

山南自張公嶺東北行至七尖山

鶴鳴峰龜背峰寨雲峰黃石巖雙劍峰犀牛峰

香爐峰姊妹石

開先寺

黃巖寺

瀑布泉

洪井山

東古山鳳凰山清流菴錦屏山石照山

遷鶯谷鼓子巖慶雲峰

萬杉寺

七尖山

第五卷

山南自七尖山東北行至含鄱口